



後山先生集卷第六

彭城陳師道履常著

茶陵陳仁子同甫編校

後學南陽王鴻儒懋學重校

後學彭城馬暎廷震繡梓

詩

和寇十一同登寺山

度暑無好懷憑危略幽致衣冠蔚如林從我才一二  
茲山昔深登歲月誰得記尚有名勝流不與金石悴  
孰知千載後我與子復至烟昏倏見燈洪發疑恐作  
無地領略章句手割據英雄志興壞容一瞬今昔當

幾謂廬山缺西北放目不可制歸懷納清境夜榻成  
良寐零落壁間詩豈特彼所愧會逢南過適不問西  
來意

謝孫奉職惠胡德墨

奚李風流盡法傳外諸孫常山陳贍子懷抱自高擗  
孰云勝潘翁惟眉山公言四海未盡識一變歸九原  
胡郎少年子外家典刑存一點落髭漆重價壓璵璠  
孫侯磊落人情義文益博解囊贈玄圭孰知師白猿  
我資不解書下筆輒自暖良寶不受辱隱默面稱冤

登寺山

晴山堪着眼別意不勝秋小作三年別聊為五斗謀

要須乘下澤不待到壺頭預恐登臨處長思馬少游

答寄魏衍

往昔敦朋好猶能作報書老衰渾得懶疎密略相如  
名墮網中蝶身隨水底一作魚填門車馬客左席為  
君虛

拱翠堂

蕭邑富人實數楹即泉山作此堂規制宏麗無秋作記

千年茅竹蔽幽奇一日堂成四海知便有文公來作  
記尚須我輩與題詩至人但有經行處寶蓋仍存朽  
老枝能事向來非促迫經年安得便成遲

贈田從先

衣冠魯國動成群憂患相從只有君落筆如涓寧踏

襲行前應敵却紛紛愧非伏老成和伯喜有侯芭守  
子雲意氣有餘功用少相望千里定能勤

別鄭舊

數有中年別寔為滿歲期得無魚口厄聊復鴈門時  
齒脫心猶壯秋清意自悲平時生一作都文學鄭禹得  
三為

和季使君九日登戲馬臺

登高能賦屬吾儕不用傳杯擊鉢催九日風光堪落  
帽中年懷抱更登臺江山信美因人勝萸菊逢衣滿  
意開二謝風流今復見千年留句待公來

與魏衍寇國寶田從先二姪分韻得坐字

將老蒙誤恩受弔不受賀欲起尚遲回積閑習成惰  
向來二三子相與守寒餓一日不可無三歲安得過  
是時秋益高夜永月初墮漏鼓已再更坐者餘幾箇  
酒薄多可強談勝堅莫破簷昏讀字細林缺瞻星大  
吳吟未至慢楚語不假此懷遠已屢歎論昔先急唾  
身世喜相遠真成蝄旋磨平生陳孟公歲晚不驚坐  
和黃生出遊三首

右坊左里遠相求東度南登稱意遊已着連峯妨目  
極不應疾雨使心休

諸郎聯壁萬人看新有詩聲伯仲間作意登臨還得  
句此生寧復要長閑

賸欲登臨強作歡衣冠未動意先闌從今泉石非吾  
事只借君詩細細看

盤馬山

山頂數丈無草木相傳漢祖盤馬於此

耕桑戰伐飽曾經廟毀村荒不乞靈尚有君王盤馬  
迹至今草木不能青

爛石村

亂石何年爛干林昨夜黃曉耕來鳥雀麥壠縷牛羊  
投老須微祿持身闕寸長洗心聞吉語時事信難量

別叔父崑山丞

父子兼知己扶携共白頭又為千里別未使寸心休  
鳥雀空庭曉風霜落木秋近親零落盡更覺別離愁

後寇生求茶庫紙

南朝官紙女兒膚玉版雲英比不如乞與此翁元不  
稱他年留待大蘇書

黃樓

樓上當當徹夜聲與人何事有枯榮已傳紙貴咸陽  
市更恐書留後世名

酬顏生惠茶庫紙

破卵剥膜肌理滑削玉作版光氣熏老子尚堪哦七  
字阿買頗能書八分

黃樓

樓以風流勝情緣貴賤移屏亡老畢篆市發大蘇碑

更覺江山好難忘父老思只應千載後覽古勝當時

荅黃生

魏衍注云時初冬尚無冬衣先生以肯子贈之堅不受到家以朱氏所贖二疋

倚詩因

我無置錐君立壁春黍作糜甘勝蜜綈袍不受故人  
意藥餌肯為兒輩屈割白鷺股何足難食鷓鴣肉未  
為失暮年五斗得千里有愧寒簷背朝日

寒夜

閉戶風將兩通宵浪打頭若為中夜聽復作別時愁  
宿鴈鳴漁火村春急暗投不應田二頃能使寸心休

贈周秀才

與君世好自比鄰宣古與大父外大豐悴相從父更

親急棹

一作

小舟來取別固知風味似前人

其二

早逢異人得異術究窮欲休出頃刻相逢拍手問由  
來怪我今年有陰德魏衍注云周嘗謂先生命未甚合故有陰德之語

五子相送至湖陵

中年患別多作別早日諱窮常得窮勿云一水四十  
里衣冠寒郭何人同周生子病輟身出劉子遠來今  
幾日石家仲叔好少年頗能厭俗從吾律魏君不獨  
相從早自君之來吾却掃歲月磨人孰能久反覆看  
渠難得好湖陵古城風日寒情義乃知生別難高懷  
已為故人盡交道應留後代看

湖陵與劉生別

觸寒歷險來特特愧無以當欣有得向來憂患不相  
捨知子用心堅鐵石人畏有心事無難此語雖鄙理  
則然君今意在翰墨間他日人爭讓一先

寄滕縣李奉議

滕大夫伯陽父孫烹小鮮治大國原一得何用五千  
言弛災決獄人不寬盛氣走訟畏討論終歲歛吏不  
到門子弟無賴皆西奔踵門父老如雲屯拊髀跳跟  
走兒孫絳幡翠節歌嘒喧盡盆戴頂烟如焚繡標綵  
軸箱帕繁曲躬义手前致言畜眼未見耳不聞暮年  
何以答此恩請誦華嚴壽我君

住馬

斷岸通橫水枯荷着早霜一陂堪度歲數鴈不成行  
市遠無增繼年豐足稻梁中原有佳氣不必到衡陽

寓日

曲曲河回復青青草接連去帆風力滿來鴈一聲先  
野曠低歸鳥江平進晚牽望鄉從此始留眼未須穿

野望

霜葉紅於染吹花落更馨平江行詰曲小徑夾葱青  
度鳥開愁眼遙山入畫屏畏人惟可飲後俗却須醒

寄單州呂侍講

希哲

往時三呂共脩途擬上青雲近玉除中道勒回奔電

足今年還直邇英履縱談尚記華嚴夜枉道難隨刺  
史車遣興寬為七字語尋人聊代一行書尋人一人

寄沛縣姜承議姜乃潛之孫以捕寇改官預作

平生魯國老先生晚見諸郎識老成怪有武功蒙寵  
錫果緣陰德貫神明金池已作歸田計玉版方書濟  
物情百里飢寒獨頽閣頽閣謂忍令一物不敷榮

寄兗州張龍圖文潛

去國遭前政還家未白頭百年當晚遇一辱獨先收  
齒脫空餘舌頽衰早着秋三為郡文學大勝鄧元侯

其二

賸喜開三面旋聞乞一州力難隨鳥翼行復立螭頭

今日麒麟閣當年鸚鵡洲寄書愁不達書達得無愁

家山晚立

遶舍苔衣積倚墻梨頰紅地平宜落日野曠自多風  
禹迹千年後家山一顧中未休嗤土偶已復逐飄蓬

寒夜

一夜風澎浪中宵月脫雲到窓資少睡遠響倦多聞  
星火遠相亂江山氣不分早雞先得便斷鴈屢鳴群

鴈二絕句

來往遠寒暑飛鳴在稻梁未知溟海大不肯過衡陽

其二

截水無留影哀空有斷群翅開先作字行斷不成文



山口

重霧真成雨，疎簾不隔風。青林擁紅樹，家鷺雜賓鴻。  
漁屋渾環水，晴湖半落東。往來成一老，猶在半塗中。

晚泊

清切臨風笛，深明隔水燈。堆場穿鳥雀，暗溜入溝塍。  
年使一作策倚扶行老，船催趁渡僧。茲遊恐未已，着句續先曾。

夜雨

十月天猶雨，暖一作三更月失明。溟濛才灑潤，點滴不成聲。  
闔戶風煙入，投林鳥雀輕。放懷終易感，倏起別離情。

宿合清口

風葉初疑雨，晴窓誤作明。穿林出去鳥，舉棹有來聲。  
深渚魚猶得，寒沙鴈自驚。卧家還就道，自計豈蒼生。

宿泊口

弱柳經寒色，懸流盡夜聲。更長宜睡少，霜落怯寒生。  
急急占星度，搖搖苦舫傾。風濤兼盜賊，恩重覺身輕。

野望

山開兩岸柳，水逸數家村。地勢傾崖口，風濤噬石根。  
平林霜着色，沙岸水留痕。曠寄還鄉泣，難招去國魂。

宿柴城

卧埋塵葉走風烟，蔭豁頭童不計年。起倒不供聊應

俗高低莫可只隨緣通通遠鼓三行夜隱隱平湖四  
接天枕底濤波逢上雨故將羈旅一作到愁邊

潁市阻風

水到西流闊風從北極來聲驅峽口坪力拔嶺根推  
突兀重重浪轟颶處處雷順流看過舫更着快帆催

其二

萬古梁山泊今年未稱船阻風兼着雪費日亦忘年  
世事元相忤衰懷忍自煎晚來聲更惡始覺畏途邊

晚坐

柳弱留春色梅寒讓雪花溪明數積石月過戀平沙  
病減還增藥年侵却累家後歸栖未定不但只昏鴉

寒夜

留滯常思動艱虞却悔來寒燈挑不焰殘火撥成灰  
凍水滴還歇風簾掩復開孰知文有忌情至自生哀

絕句

雲海冥冥日向西春風欲動意猶微魏衍云丙藁塗

飛云趙誠伯本作欲動無端一棹歸舟疾驚起鴛鴦

相背飛

禮武臺坐化僧時呂希哲作單

至人本無心起滅因衆緣化盡悲願在留形此臺巔  
聞名與致敬獲福皆無前千年一鉢水宿疾幾人痊  
駭雄兗州軍馬步餘數千一呼可摧山四合如垂天

老幼十八村頃刻理無全哀鳴寄香火毀塔投其磚  
或怒忽驚奔如有所見然等觀同一子豈特此所憐  
我來已再見童稚亦虔虔發火觸暗室青燈已娟妍  
始讀壁間碑妙力隱不傳頗恨語未工安得筆如椽  
歸路雲月黑濤波隔長川溪翁停舟待相喚聲相連  
解纜風泊岸中流水入船歎側脚不停竟脫蛟魚涎  
興壞如有待適當使君賢定能選妙士拂塵起重煙  
昔承靈山囑早契少林禪丐我一片石併刻維摩篇

晚興

去國猶能別逢人始欲愁不干遮極目自是怯回頭  
布網收魚慘連筒下釣鈎誰初教鮮食澤竭未能休

宿齊河

燭暗人初寂寒生夜向深潛魚聚沙窟墜鳥滑霜林  
稍作他方計初回萬里心還家只有夢更著曉寒侵

別劉郎

魏衍注云宣義之婿六年之別先  
生喪母劉喪父故其詩哀甚

一別已六載相逢有餘哀公私兩多事災病百相催  
無酒與君別有懷向誰開深知百里遠肯為老夫來

趙巖

一市萬人聚四衝千里遙胡然不作邑兼自可成橋  
群盜去無迹諸豪壓不驕由來天下事浮議易傾搖

雞籠鎮

人棧州界

河市新經集雞籠舊得名初聞北人語意作故鄉聲

客以艱難極情忘去就輕空虛仍廢忘何以慰諸生

除官 秘書省正字

扶老趨嚴召徐行及聖時端能幾字正敢恨十年遲  
肯着金根謬寧辭乳媪譏向來憂畏斷不盡鹿門期

題王平甫帖

早聞英氣擅家聲晚得諸郎識老成可恨治朝無此  
老却嫌晚進不同生足知落筆千言疾尚想揮毫一  
坐傾未信哲人窮五字二難還復以詩鳴

和李文叔退朝

朝流駭汗蒸雙靦風捲屯雲散萬蹄任使輕衫汚嬌  
色可令纖手洗春泥

和謝公定雨行逢賣花

逢花駐馬尚多情天不違人旋作晴不使近詩增紙  
價得知春入鳳凰城

酬王立之二首

頗有亭前玉色梅情知不肯破寒開似憐憔悴兩公  
指蘇客獨倚東風遣信來

重梅雙杏巧相將不為遊人只自芳應怪詩翁非老  
手相逢不作舊時香

送謝朝請赴蘇幕

好合同黃卷情親須一作白頭胡然落丹墨不坐致  
公侯沙軟留徐步魏本上白字未注潮回趁急流平

生湖海興日夜逐行舟

和謝公定觀祕閣文與可枯木

斯人不復有累世或可期每於丹青裏一見如平時  
壞障塵得入慘淡令人悲墨色落欲盡嚴顏終不移  
朽老莫使年石心烏銅皮念此猶少作未盡水霰姿  
北枝把異鵲意定了不疑惜哉不得語肯次幾興衰  
一為要貴役可復愧辭一作畫師隱與雖可惜塗抹復  
見遺謝侯名家子感慨形苦詞豈惟語盡工勁特頗  
似之何當補諫列一吐肯中奇

和饒節詠周昉畫李白真

君不見浣花老翁醉騎驢熊兒捉轡驥子扶金華仙

伯哦七字好事不復千金模青蓮居士亦其亞斗酒  
百篇天所借英姿秀骨尚可似逸氣高懷那得畫周  
郎韻勝筆有神解衣槃礴未必真一朝寫此英妙質  
似悔只識如花人醉色欲盡玉色起分明尚帶金井  
水烏紗白苧真天人不用更着山巖裏平生潦倒飽  
丘園禁省不識將軍尊袖手猶懷脫靴氣豈是從來  
骨相屯仰視雲空鴻鵠舉眼前紛紛那得顧是非榮  
辱不到處只一作恐朝來有新句勿言身後不要名  
尚得吳侯費百金江西勝士與長吟後來不憂身陸  
沈

謝王立之送花

過雨生泥風作塵馬蹄聲裏度芳辰城南居士風流  
在時送一作時遣名花與報春

和參寥明發見鄰家花二首

短牆春色過鄰家行不逢人只見花新綠葱葱紅款  
款却成粧面映青紗

滿城桃李一番新深院繁枝別得春從此詩翁有新  
語不須紅濕少城闈

和張奉議贈舅氏龐大夫

朝下公門不曳裾身寬心遠等林居傳家聲烈三公  
後貯腹平生萬卷餘藤架倚春聽語鳥石池迎日數  
遊魚人言酷似牢之舅未有新詩錦不如

和舅氏公退言懷

追陪強韵愧難過應接前聞覺未多盛禮每虛摩詰  
席舊詞猶可雪兒歌手開新徑延徐步眼趁高梧上  
碧蘿風雨入懷泥滿眼時須好語滌煩疴

欽聖憲肅皇后挽詞

二妃端協帝三后共興周決策天同力收功語不流  
權宜從殺禮末命尚深憂鬱鬱佳城閉終天配壽丘  
其二

復辟先元約長年損積憂春移栢城仗仙去帝鄉遊  
德並塗莘敏功臨馬鄧優千秋修故事車馬戒如流  
欽慈皇后挽詞

二祀從孝祀五典載虞嬪顯號追先志陰功見後人  
承顏親不待固極痛如新未有如椽筆光容可得陳

其二

靈岳占佳氣琳宮閱寶衣膺期應一作符寶曆錫號煥  
皇扉日月堯同數詠歌啓與歸傷心五雲去不見六  
龍飛

大行皇太后挽詞

德名三后並母道兩朝尊勇決高千古危疑定一言  
先期還政事隆禮改山園哀挽西郊道雲愁畫亦昏  
其二

扶日行黃道乘雲上紫微憂勞形未命恭儉見陳衣

布德開刑網和戎戢武威要知懷惠處行路涕交揮

追尊皇太后挽詞 欽慈

彤管書陰教黃圖載德容漢宮先夢日代邸近乘龍  
喬岳藏遺服青門啓故封從今祠百世清廟配商宗  
其二

典冊尊徽號欽慈煥德名終身聞舜慕歷月見堯生  
兵衛嚴天仗車輿傳帝城故廬脂澤在哀感倍皇情  
王察院挽詞

施報終何在窮通共一空兩言成益友百代仰高風  
終始無遺恨恩榮託至公不應理直氣會見吐長虹  
其二

良貴官何與長年死不亡身須禦魑魅氣已懾豺狼  
不盡骨中蘊猶堪埋地下即豈惟吾道慶編簡亦輝光  
贈吳氏兄弟三首

一長未可衆人師萬里元隨八馬蹄不解征西諸子  
弟却憐野鷺厭家鄉

才隨年盡不重奇每愧諸郎索近詩旋作七言供一  
笑自癡那得使人癡

得失媿妍只自知略客千載有心期恨君不見金華  
伯何處如今更有詩

和吳子副智海齋集

法筵應供賴三車堆案抽身輟筭沙破度一作暑好風

開樂國脫塵新句散餘霞僧盥手汗空留迹佛几堆  
紅拂委花客舍黃梁應未熟且容秋蝶夢南華

舅氏新齋

堂因竹栢有花與歲時闌欲作終年計長留別眼看  
色侵杯酒重子熟落聲乾只有林園主相期耐歲寒

上晁主客

時與無各對酒及  
閣者對馬

兩疏父子共含香不獨家榮國有光賸欲展懷因問  
疾孰知相對只銜觴年侵身要兼人健節近花須滿  
意黃從昔竹林湏小阮只今未可棄山王

和鮮于大受崇仙觀餞別曾元忠

此別未為遠兩都東西州情親有乖隔江湖成阻脩



脫塵度翠密徐行當尋幽各有惜別懷共此一日留  
意合豈待約酒盡不更求闕詞固未可忍手亦何猶  
是曰坐有黃冠師未解逍遙遊興來我與共醉罷君  
當休僧房火可親此樂行且謀萬事日糾紛高懷元  
一立

荅王立之

每逢無可語暫阻即相求解卷初增氣開懷得寫憂  
昏煙宜帶雨風樹更添秋絕唱猶多和先衰怯却一作  
後酬

和過田承君

寺古專宜僻居深自作幽興來寧憚遠句苦不緣愁

逸氣無前足虛懷不繫舟逢人難晤語冒雨亦相求

贈石先生

多方作計老如期百疾交攻遽得衰晚有勝緣逢異  
士生須快意闕前知迫人鬢頰紛紛白臨事迴迂種  
種遲分我刀圭容不死他年鶴馭得追隨

送晁無咎出守蒲中

一麾出守自多奇四十專城古亦稀解榻坐談無我  
輦鋪筵踏舞欠崔微的挑作劇聊同俗遇事當前莫  
後幾聖世急才常患少神宗德筆曰校羊篩酒  
待公歸

題明發高軒過圖

滕王蛺蝶江都馬一紙千金不當價異才天縱非力  
能窮一作盡工不是甘為下今代風流數大年含毫落  
筆開山川忽忘朽老壓塵底却怪鳧鴻墮目前爾來  
八二復秀出萬古河山才咫尺眼前安得有突兀復  
似天地初開闢明窓寫出高軒過便逐愈湜聞吟我  
晚知書畫真有益却悔歲月來無多官禁脩嚴斷過  
訪時於僻寺逢稅鞅秀潤如行琮璧間清明似引星  
辰上憂悲愉佚百不平河擘太華東南傾平生秀句  
寰區滿掇拾餘棄成丹青平湖遠嶺開精神斗覺文  
字生清新未許二豪今角立要知旁有衛夫人

送歐陽叔弼知蔡州

穎陰為別悔忽忽十載相望信不通晚遇聖朝收放  
逸旋遭官禁限西東又為太守專淮右賸喜郎君類  
若翁梅柳作新詩興動可令千里不同風

送晁堯民守徐

中年為別不堪憂東髮登門到白頭南省望郎仍國  
士東方千騎更吾州彭翁老壽終遺骨燕子飛來只  
故樓知己難逢身易老煩公置醴我歸休

送王定國通判河南

孤身十載客都城白社雙林諱姓名授館不為他日  
計解衣真出故人情翹材必定延枚叟宣室終須記  
賈生萬里歸來髮如添了知句法更新清

後山先生集卷第六

後山先生集卷第七

彭城陳 師道 履常著

茶陵陳 仁子 同甫編校

後學南陽王鴻儒懋學重校

後學彭城 馬暎廷震繡梓

詩

和蘇公洞庭春色

洞庭千木奴寸絲不挂手來輸步兵厨釀作青田酒

王家玉東西未覺歲華走方從羅浮山羅浮山有仙人種橘處

已作南陽壽還將瓮頭春慰予雪入牖我方縛禪律

一舉煩屢嗅東坡酒中仙醉墨粲星斗詩成以屬我

千金須弊帚向曾專姐間着客面鰲黝定須笑美人  
趙有覺者平原 蘇甲不濡口

### 山口阻風

夕風朝未回來雲去為雨繫舟直山口天意遽如許  
濤風兩方聞丘原莫當怒兩山為俯仰一鳥不得度  
臨深負高枕偷生寧得所歷歷數過帆當途氣如虎  
快意亦適然淹泊豈吾取邈洄更去留未易相爾汝  
行登東山顛壯觀前來觀九澤不滿眼五丈方一縷  
茲山昔誰遊巨野傳自古菰魚無凶年末利猶不禦  
荷輿活萬人黎將視千戶東方富絲麻小市藏百賈  
連檣自南北行談雜秦楚向晚風力微湖清魚可數  
空倉烏鳥樂外舍牖扉語身非天下惜家無十金聚  
欲留盜賊迫欲去渡濤怒兩者爾何從一死吾未與

### 登冥山

東山如覆盂石塔仍數層昔人行樂處時過名不稱  
秋風變草木樵徑餘新蒸四顧一水間不復知淄渰  
菰蒲萬世利烟火千人留平佳登山脚歲晚如不勝  
求田君勿問撫髀吾何能飛鴻將目遠秋水留心澄  
茲遊豈不朽作歌記吾曾

### 江湖堂

莫愛西湖好涓涓去不回無情是江水猶解及時來

### 眠雲齋

已是登臨晚長須愛惜春終當捐世事來作卧雲人

山口

湖闊疑無地河回忽見山登臨聊自試衰疲致身閑  
四壁寧虞盜多方莫駐顏無風回遠笛有月待人還

擬古

盜中有聲囊不癭嚙息不如帶加緊人生七十今已  
半一飽無時何可忍公侯早歲有如此奴婢葦食支  
夜永向來糠覈之子孫居鄰無傳家存井

嘲無咎文潛二首

詩人要瘦君則肥便然偉觀詩不宜詩亦於人不相  
累黃金九鑲腰十圍

一飢緣我不綠渠身作賈孟行詩園窮人乃工君未  
可早據要路安肩輿

次韻夜雨

暗雨來何急寒房客自醒驟看燈閃閃擬對作青青  
聲到江干盡風回葉上聽更長那得晚歌側想儀刑

晦日

人老時情薄春深花意微暄寒南北異風俗古今遠  
即事無同異旁觀有是非食蔬如許瘦飽肉未須肥

登城樓

城郭春容晚因行可當遊飛來雙蛺蝶自盡一浮鷗  
峽嶮山將合江平水却流同來端興盡且為小遲留

奉賀陳聖子

合譜兒童歲為僚一拜秋初聞消息報已作別離憂  
急雪將無路寒江欲斷流相逢寧易得端為小遲留

和王子安至日

近節翻多事為家不亦難老成須藥力愁絕向誰寬  
凍雨能妨夢朝霜故作寒衰頽心自了不待鏡中看  
其二

物理有終極人情從往還陰陽消長際老疾去留間  
申白徒懷惠巢由不買山更歌吾和汝風日稍侵顏  
其三

晨起公私迫昏歸鳥雀催百年忙裏盡萬事醉間來

竹雨深宜晚江梅半欲開風燈挑不燭寒火撥成灰

寄文潛無咎少游三學士

北來消息不真傳南渡相忘更記年湖海一舟須此  
老蓬瀛萬丈自飛仙數臨黃卷聊遮眼穩上青雲小  
着鞭李杜齊名吾豈敢晚風無樹不鳴蟬

連日大雪以疾作不出聞蘇公與德麟同登女  
郎臺

掠地衝風敵萬人蔽天密雪幾微塵漫山塞壑疑無  
地投隙穿帷巧致身晚積讀書今已老閉門高卧不  
緣貧遙知更上湖邊幸一笑潛回萬室春

是相賜

立春

馬蹄殘雪未成塵，梅子梢頭已着春。巧勝向人真柰老，衰頽從俗不宜新。高門肯送青絲菜，下里誰思白髮人。共學少年天下士，獨能濡濕轍中鱗。

贈王聿脩商子常

欲作新詩挑兩公，含毫不下思先窮。貪逢大敵能無懼，強畫脩眉每未工。畏病忍狂妨痛飲，晚雲朝雨滯晴空。正須好句留春住，可使風飄萬點紅。

朱櫻青子已嘗新，白恰黃衫見未頻。載酒對茶無俗士，閉門高枕有閑人。有底百年須薄祿，相看一笑却關身。肯留惡客開家釀，驚坐何人更姓陳。

次韻敬酬元弼三兄

冥冥兩力及時來，冉冉春光作意回。白髮尚堪供語笑，青衫不惜着風埃。林廬要自家家到，尊酒寧辭日開。只恐未便文字飲，人間無夢到陽臺。

寄都下故人示王子安

湖海相忘日自疎，經年不作一行書。世間惟有韓康伯，肯為淵源住歲餘。

送張衡山

昔別青衿子，今為白髮翁。此行何日見，多難向來同。官事酣歌裏，湖山秀句中。風塵莫回首，留眼送歸鴻。除夜對酒贈少章

歲晚身何託，燈前客未空。半生憂患裏，一夢有無中。

髮短愁催白顏衰酒借紅我歌君起舞潦倒略相同  
和賈耘老春晚

縈縈高裏幾絲飛榴葉干燈照晚暉紫翠園林鶯欲  
懶黃昏簾幕燕初歸花明西苑將迎幸草綠平原正  
打園一卧海城春又晚不妨閑處得真機

擬漢宮詞三首

葉葉霜林著意紅翩翩行騎語墻東黃金擬買長門  
賦未信君恩屬畫工

月與秋期特地圓花隨人意作春妍却因姊弟爭珠  
鳳更欲君王意外憐

帳底吹煙香自薰鏡前含笑意生春經年不道君恩  
薄却是思深更誤人

擬李義山柳枝詞

江清沙日煖雄鳴鳴若鶯相看不相識花晚褪紅香

其二

嫋嫋東門柳重重小苑花為誰傾落子著意莫藏鴉

其三

雨葉不自持風花故入衣飛花已無定忍著惡風吹

其四

伏雌將阿沙一作鶯水陸不相宜鴨鴨橫波去隔隔  
不得

其五



莫解丁香結，從教長苦辛。却因千種恨，別作一家春。  
庚辰三月上旬，登白門，望

昔別子未仕，人言詩有神。預知河嶺阻，不作性來頻。  
刺書今猶學，須知釋為親。五陵花鶴眼，作意算繁春。  
次韻寇秀才寄下邳家兄

少共千憂老一官，中間毀譽兩茫然。去留有命真如此，俯仰從人却未然。故著江山供極目，正將強健入新年。驚逢小杜風流勝，信有衣冠不更賢。

贈知命

黑頭居士元方弟，不肯作公朝。法嗣外人怪笑那，得知他日靈山親。後記學詩初學杜，少陵學書不學王。

右軍黃塵扶杖笑，鄰女白衫騎驢驚。市人靜中作業此，何因醉裏逃禪却。甚真顧我無錢呼，畢曜有人載酒尋子雲。君家魯直不解事，愛作文章可人意。一人可以窮一家，怪君又以才為累。請將飲酒換吟詩，酒不窮人能引睡。不須無事與多愁，老不欲醒惟欲醉。

次韻荅少章

秦郎淮海士才大，難為弟蔚然。霜雪後不受，江漢洗春畦。不滿眼來掇到，芹薺多病促餘年。秋光欲辭抵儒林，丈人行掘起三界底。出入銀臺門為米，不為醴白頭容北面。斯文分一體，愧我無異聞。口闕不得啓。

大風

飛砂破面風裂石平林隱隱傾霹靂野火燎原塵漲  
天道聞馬嘶不相得老翁強欲作少年立馬階除起  
無力城南桃李春意動少待明朝莫相失

秦少章見過

淮南小山秦氏子舊雨不來今雨來風席起麓晨突  
冷坐看鳥迹破蒼苔

送王君玉赴試

汝穎諸王後風流獨此人談鋒堅百戰筆力舉千鈞  
得士吾無愧多聞子未貧平生三學士相見定相親  
送路紉歸老丹陽

身退不待年意足不得餘寧聞有餘論但問我何如  
才名四十年盛氣蓋諸儒獨無金水力竟與鼃黿俱  
晚為府中掾直前不趨趨曾何愧俯仰頗亦困聶孺  
有粟尚可餬有酒尚可娛一朝脫章綬用意不躊躇  
富貴亦何有惜君寧挽裾人生一世間僅得還其軀  
謝公江海人此許竟亦踈千金一大錢兩子雙明珠  
妙語發幽光東坡為欵歎不知兩疏去能亦有此無  
聊為三徑資後子並門居

後山先生集卷第七

後山先生集卷第八

詩

奉送閻醇老推官

古今猶異俗鄒魯尚多儒簿領三年責雲霄一武趨  
數過忘潦倒惜君更斯須說與晁夫子今年雖也無

回風行

懸流洶洶從天來南風五日闔不開御風起柁虎着

彭城陳師道履常著

茶陵陳仁子同甫編校

後學南陽王鴻儒懋學重校

後學彭城馬暉廷震繡梓

翼衝風繫纜頽死灰昨日逆風今日回萬人莫挽才  
浮杯篙牽相賀天意得秋聲滿帆風倒桅天留異態  
須一怒造物可得無嫌猜

荅李簿

老去才先盡春來酒屢空甘為耕釣手畏作嘒嘒翁  
與罪寧無說言詩新有功不堪須野鷺似欲吐長虹

謝傅監

好士如好色昔聞今則無平生席為門未識長者車  
曠士慕林谷羈人辱泥塗願為執鞭役莫順下風趨  
去年辱公先懷刺留寓居我往拜其門鷺鷥鳴高梧  
論交不計年取材忘其愚一寒我如此百鎰公無餘

今年賀公歸乃復過我廬當使有近行鷹門有長須  
小家不耐事雞飛犬升聞莫歸自有恨親顏一何娛  
汝家吾無憂能致賢大夫吳公漢庭右賈生世用疎  
平分大倉粟盡讀鄴侯書士為知己留不為食有魚  
三言移魯母投杼公何如

賀文潛

飛騰無那高詹事奔軼難甘杜拾遺釋梵不為寧顧  
計公侯有命却隨宜且留陳迹來韓愈不用逢人說  
項斯富貴風聲真兩得窮人從此不因詩

贈張文潛

張侯便然腹如鼓飢雷收聲酒如雨讀書不計有餘

處尚着我輩千百許翻湖倒海不作難將軍百戰富  
善賈弟子不必不如師欲知其人視其主秋來待試  
丞相府毅馬礪兵吾甚武問周不敵聞其語一戰而  
霸在此舉百年富貴要自取人將公卿退爾汝德如  
墨君誰敢侮

次韻答秦少章

學詩如學仙時至骨自換縹緲鴻鷗上衆目焉能玩  
子從淮海來一喙當百難師儒有韓孟拭目互驚惋  
老生時在傍縮手愧顏汗黃公金華伯莞爾回一眄  
彼方試子難疾前不應懦要當攻石堅勿作搏沙散  
栢壁難其美確錯加璀璨我老不足畏後生何可慢

次韻答子實少章

英英黃金花論時不論美靖節骨已朽棄指乃其理  
兩公意有餘采采今未已尚念白頭生臨風嗅霜蕊  
其二

交新情已故室遠人則邇杯酒不相忘一朝得二子  
初花叢無度後時終可鄙與汝卧秋風看君雙控鯉  
九月十三日出善利門

十載都城客孤身冒百艱一飢非死所萬里有生還  
去國吾何意歸田病不關共看霜白鬢似得半生閒  
絕句

老着江湖才一得病占風雨漫多知身將白鳥同歸

月夢到黃梁未熟時

送章推官

後事有多譽還家能少留持杯猶頽尾解纜即沙頭  
好事今猶壯論文老自休風埃留我老說與五湖秋  
送章氏兄弟兼寄金山寧禪師

未塗一過馬群空老眼雙瞻碣石鴻固有江東兼渭  
北其如明月與清風一官羈絆吾堪老萬里嫖姚子  
未窮寄語此時懷馬祖叩門何日許龐公

寄臯以道

兩官俱為鄰常若千里遠經年不通書子孰知我懶  
相期宇宙外肯復校繁簡我愚亦知此子意豈不滿

子數東方生自視何益損人言不當價一錢萬金產  
須子五千卷丹筆校黃本子家大史氏名成南北阮  
道山鴻鴈行豈惟私門衍功名須老大四十未為晚  
快意會有違急行寧小緩忽有河山阻遂恐消息斷  
我獨不念此人窮今智短子勿放我慵書來慰愁眼  
同道士錢冷然尋澗水源

曉領黃冠子步尋東澗源施筇探清淺垂手弄潺湲  
岸閣殘花片槎留舊漲痕鳳潛丹穴邃龍卧古潭渾  
脩竹青垂蔭長蘿翠可捫忽驚穿藥圃不覺到雲根  
磴外看飛鳥崖邊見飲猿援琴寫山水布席坐蘭蓀  
白石支碁局青沙藉酒尊醉歌歸路穩洞口月黃昏

十八日觀潮四首

一年壯觀盡今朝水伯何知故晚潮  
海浪肯隨山俯仰風帆長共客飄搖

眼看白浪覆青山誰信黃昏去復還  
縱使百年終有盡何須豪橫詫吳蠻

千槳擊鼓萬人呼一抹濤頭百尺餘  
明日潮來人不見江邊只有候潮魚

江平石出漲沙浮船閣平洲水斷流  
朝莫去來何日了一杯誰與弔陽侯

湖上晚歸寄詩友

髭髮難藏老湖山穩寄身却尋方外士  
招作社中人

霜葉深於染秋花晚自春無人還有礙  
詩卷莫辭頻

其二

簑笠宜多病衣冠錯致身清愁偏待客  
白髮解禁人江月深留雪山梅借探春  
興後湖上發詩為道人頻

其三

功名遠壯志戒律負前身劉德長欺客  
王融却笑人殘年憎送歲病眼却逢春  
杖屨知何向如公未厭頻

其四

紅綠羞明眼欹斜久病身年齡不待命  
湖海却留人點滴花間露新鮮柳上春  
情懷將底用詩外不須頻

次韻寄荅晁無咎

西湖欲雨樹煙滿風葉倒垂雲覆盤望湖樓上白頭  
人獨倚闌干誰肯伴獨有詩人記病身清風千里寄  
行塵豪華信有回天力驚開桃李閑新春往事不  
如過雨醉夢恍然忘惡語前在澶州有讀無文編詩因以戲之無故今以為  
言人生如幻此何尤未信黃金貴於土愛子千篇頃  
刻成借將膏腹詫吾人吟哦怪有芳鮮氣却被湖山  
識姓名蘇子瞻詩云游編錢塘湖文章廢退知難強  
身外虛華本無望何曾臨水惜芒鞋却解逢人拈柱  
杖眼根清淨塵不留登伽過盡不回頭來詩云不應越女三年留  
家在中原歸未得江淮斷道無行舟兩山相逢翻手  
疾欲謀一笑寧無日却慙懷璞似周人祗可聞名不

須識

寄荅顏長道

薄命猶多難浮生未定居故人憂已矣千里問何如  
白髮羞明鏡青燈怯細書不曾知史館何用索枯魚  
其二

寄邢和叔

昔作梁宋遊幽憂廢朝昏閉門無往還不厭兒女喧  
隔墻聞剥啄莫夜誰叩門知是邢夫子低回過高軒  
願為布衣交不顧年德尊忽忽立談罷又見東南奔



江湖多病後，僅免餉魚鼈。久廢數行書，因人問寒暄。  
但愛孤山西，松筠數家村。便欲築居室，插秧仍灌園。  
生前不自愛，身後何足論。草玄笑揚雄，贊易悲虞翻。  
文章徒自苦，紙筆莫更存。却尋南郭老，隱几學忘言。  
他日宦遊客，誤入桃花源。葦間見漁父，誰識王侯孫。  
十七日觀潮三首

潮頭初出海門山，千里平沙轉面間。猶有江神憐北  
客，欲將奇觀破衰顏。

江水悠悠自在流，向人無恨一作限不應愁。相逢不覺  
渾相似，誰使清波早鞦頭。

漫漫平沙走白虹，瑤臺失手玉杯空。晴天搖動清江

底，晚日浮沉急浪中。

月下觀潮二首

隔江燈火是西興，江水清平霧雨輕。風送潮來雲四  
散，水光月色鬪分明。

素練橫斜雪滿頭，銀潮吹浪玉山浮。猶疑海若誇河  
伯，豪悍湏教水倒流。

宿錢塘尉廨

平湖遠舍山無盜，官事長閑俸有金。安得終身為禦  
寇，不辭兒女作吳音。

寄北山順法師二首

十年聞問不逢人，一面相逢過所聞。高士不應輕俗

士欲將汗脚上垂雲

山下遊塵不汚人耳邊溪水去猶聞羨君身世渾無事坐看青山過白雲

贈關彥長

少年初識字已誦子虛賦嘗疑天上人已離人間去蹉跎二十年又自歎遲暮倦遊梁宋間却踏江湖路此地始逢君秋陽破朝霧白首鬢毛新青衫顏色故問君胡為然竟坐文字誤人事久難知高才常不遇論人較賢智富貴寧在數不見竹林詩山玉俱不與湖塘發高興山林有佳處迨此閒暇時觀游莫辭屢功名如附贅得失何用顧但當勤秉燭長願隨杖履

送鄜州關司法

早歲相知晚相識抵掌回頭已陳迹萬里從軍壯此行一筋鱸魚留不得夜靜關山秋月明莫聽嶺頭秋一作水聲平世功名須少壯看君一箭下遼城

寄曾公權

趙世功名子有憑過人材藝我何曾詩書忘廢難支敵門館光華却再登捐棄妻兒逃世累掃除鬢鬢伴禪僧待君持節東南日試問當年杜伯升

蘇子瞻通禪師詩云

欲識當年杜伯升飄然雲才一孤僧

後山先生集卷第八

後山先生集卷第九

彭城陳師道履常著

茶陵陳仁子同甫編校

後學南陽王鴻儒懋學重校

後學彭城馬璫廷震繡梓

詩

登鳳凰山懷子瞻一首本作

蜿蜒曲龍腹山間隱樓觀孤高伏龍角浮圖刺雲漢  
脩林霜雪餘落葉青紅亂想見洞中人不知時節換  
咳唾落江東江東兩眼中舉頭觸浮雲大脚驚飛鴻  
逢人自笑謀身拙坐使紅塵生白髮入山便欲棄人

間出山又與松筠別

數篇曾見使君詩前後登臨各一時妙舞新聲難得  
繼清風明月却相宜朱闌行遍花間路看盡當牙題  
壁處更有何人問使君青春欲盡花飛去子瞻云應  
問使君何

處去應花說  
與春風知

### 平翠閣

我家山水間耳目厭華艷聞道浙西山經年通夢寐  
從為遠遊客忘却歸來計欲置湖上曰謝絕人間世  
湖山多變態橫斜光氣異隨山轉朱閣臨顧窮幽邃  
惟存宣公樓浮空堆亂翠疑是水仙人臨墻露高髻  
道人亦愛山朝昏閱終歲最愛煙雨中半撩青羅袂

我來悲歲晚風霜掃昏翳不見嶺頭雲未盡登臨意

贈大素

字缺

軻律師二首

山居不出  
十四年矣

林間細路暗通門火閣深藏雪裏春自笑世間千計  
錯羨他湖上十年人

枕帳清寒夜色空琉璃明淨晚燈紅定知城市無窮  
事盡在山人冷眼中

### 古怨贈關彥長

世態輕浮君莫道相逢何必論才調鉛刀快利莫助  
遲果下翩翩望雲老人前安得無窮好應須富貴長  
年少莫教白髮更棲遲不遭毀罵逢人笑

### 次韻關子容湖上晚飲

風樹吹花落四鄰莫雲將雨作催人旋傾美酒留連  
客急作新詩報答春試傍清湖看鬢髮莫辭行樂費  
金銀如今歸去還高卧更問風光有幾旬

春晚遊寶雲寺

繁杏青猶小幽花落更香日隨雲雨斷恨與水風長  
螳子何緣鬪蜂兒有底忙山人能棄世遊子不思鄉

夏日書事

花絮隨風盡歡娛過眼空窮多詩有債愁極酒無功  
家在斜陽下人歸滿月中肝腸渾欲破魂夢更無窮

贈寫真禧道人

父病多愁易老身塵容衰鬢不長新早須置我山巖

裏不是麒麟閣上人

晚遊九曲院

和章秀  
二首

冷落叢祠晚回斜狹路賒平荷留夜雨驚鳥過鄰家

又

雲暗重重樹風開旋旋花病身無俗事待得後歸家

萱草

喚作忘憂草相看萬事休若教花有語却解使人愁

次韻順法師十三間樓避暑二首

窓暗時時雨門開處處山心蘇解衣後愁破立談間

又

枕簟長相往功名又不關論文非小陸愧色滿顏間

次韻性都正北山逐涼

海風吹雨過梅黃叢竹留陰借晚涼更欲從君談妙  
理鳧脛能短鶴能長

賀關彥長生日

吉夢熊羆後名家帝杜旁風霜隨氣節河漢借文章  
漢相功名晚周南德化長欲申千歲祝願奉故人觴

其二

經術宜傳世清明正得秋德優高士傳名重賦家流  
短袖妨妍舞青衫負白頭待看靈壽杖扶出富民侯

石無咎畫苑

卒行無好步事忙不草書能事莫促迫快手多麤疎

君看荷葦榭

字

扇佳家中叔三人俱掃除事物費歲

月收完神氣忘形軀恍然有得奪天巧衰頰生態能

相如市師信手無贏餘一日畫出東封圖眼前百口

怪神速背後十指爭椰榆君家畫苑傾東都錦囊玉

軸行盈車補完破碎收亡逋欲得不計有與無問君

此病何當祛君言無事聊自娛世間何事非迷途挾

策未必賢樗蒲苑中最愛文與蘇情親不獨生同閭

自謂知子誰知余叔也不癡回不愚憐君用意常勤

渠揮毫灑墨填空虛風稍雨葉出新意老樹僵立何

年枯我生百事不留意外物不足煩敲除翰墨纔能

記名字模臨寫貌無工夫見溺不救危不扶獨無一

物充庖厨看君髮漆顏丹朱意氣健如生馬駒逢人  
不信六十餘郁然一莖無白鬚呂公落寞起釣屠南  
山四老東宮須人生晚達有如此應笑虞翻早著書

錢塘寓居

山水如相識豪華異昔聞聲音隨地改吳越到江分  
門閉蕭蕭雨風催緩緩雲會隨麋鹿去長謝犬羊群

次韻應物有歎黃樓

一代蘇長公四海名未已投荒忘歲月積毀高城壘  
斯樓亦何與與人壓復起紛紛徒爾為長劍頌天倚  
循分即可久吾行誰與止邇來賢達人五十笑百里  
顛有寇公子衆毀聞獨羨直氣懾狂童牽聯皆可紀

少公作長句班揚安得擬頗有喜事人睥睨欲槌毀  
一朝陵谷變天語含深旨驚倒樓前人今朝有行履

叔父惠鉢三首

當家父子親分付不比黃梅萬里來不解當年明上  
座嶺頭言下却空回

蒲團未有祖師意洗鉢何曾識趙州萬里空歸君解  
否老胡端為我能留

聲中得句已忘言斷酒持齋却自然大有西來真的  
意飢時着飯飽時懸

和休文至自新安

無成底事到天涯重見春工換柳枝歷盡江山苦行

後歸來風雨過花時驅馳共厭人間世險阻時聞別  
後詩獨有窮愁銷未盡一番相見一伸眉

秋懷十首

似雨蓋深院  
倒半池蓮葉

昨日山中雲今朝山下雨牛羊沒禾黍蟋蟀促機杼  
磨刀洗盆瓮社臘不勝數豈無聚飲吏觸手丞相怒

其二

有家洙泗間歲晏榛棘荒稍知田家樂感此歸意壯  
老馬甘伏櫪遊魂還故鄉四十尚無君天下未敢忘

其三

採薪墟墓間行歌當歸耕向來輕薄子懷緩以為榮  
喘喘轅下犢力盡官泥深壯哉八百里一割探其心

其四

翩翩王侯孫館我翠微院到飯隨鐘魚朝昏黃庭卷  
中年妻子累徃世西方願獨無詩書力尼父安得怨

其五

黃公輕千乘尚愛五斗祿風雨聽朝雞歲月老松菊  
平生白蓮社不受一塵觸識字即投閣貴者須食肉

其六

昔作九日期一覽知四方夜雨秋水深烈風畏褰裳  
尊空囊亦空花且為我昔官奴覆青綾破屋任飛霜

其七

翼翼陳州門萬里遷人道雨淚落成血着木木立橋



今年蘇禮部馬迹猶未掃昔人死別處一笑欲絕倒

其八

籊籊孤竹君長我一身半凜然霜雪間時至亦陰換  
共與玉子猷永結忘言伴可使溪壑姿充我眼中玩

其九

北闕書不上南山田不歸朝莫陳州門悠悠此何為  
我老何所為暖日聊差池君聽城山鳥啞啞端為誰

其十

潭潭光明殿稽首西方僊平生脩何行步有黃金蓮  
我豈昔好徑報以履下穿洗足坐道場卒卒此何緣

寄寇荆山

曠士三年別荆山一顧中百千人欲死四六老能工  
脫帽頭應白求田意欲東口頰論世事目已失飛鴻

次韻蘇公西湖觀月聽琴

公詩端王道亭亭如紫雲落世不敢學謂是詩中君  
獨有黃太史抱杓挹其尊韻出百家上誦之心已醺  
黃鍾毀少合大裘擯不文世事如病耳螿聞作牛聞  
苦懷太史惠養豹煙雨昏後世無高學舉俗愛許渾

還江山

夜夜滄洲夢歸心劇旆懸呼童買輕舸拂榻下平川  
溯浪潮如闕凌風岸石牽江鄉厭回首竹及棟花天

雜題

亂水交如線，群山翠作屏。寒輕春稍稍，雪盡麥青青。  
霜草猶疑滑，風林漸喜聽。生涯鞍馬上，歲月短長亭。

其二

泥雪纔通脚，煙雲復結陰。遲留隨處處，簾幕靜沉沉。  
去鴈懷歸意，來禽欲好音。稍寬溝壑辱，不憚二毛侵。

春酬應物

論世闕真是，憎好成愚賢。衆手挽跛牂，擬度驕驢前。  
與子早相好，於今不知年。自從欲着帽，憂喜同華顛。  
生世知風花，高下亦偶然。填溝偶不死，揮刃忽自全。  
病馬試春早，枯魚縱奔川。稍思升斗祿，莞庫未闕負。  
一飢尚可忍，百歲當復延。相余乘下澤，得句要子宣。

此生期樂死，他日須詩傳。縮手着袖間，彈棊一爭先。

酬應物見戲

扣門賞竹任推排，興盡歸舟挽不回。平世山林成偃蹇，  
新年詞句得參陪。醒心正賴揮毫疾，誤筆仍煩送喜來。  
書省不應須乳媪，何承天老為著作而同官皆少年目為乳媪來詩有館殿  
時除目盡英才。近除秘書正字

後山先生集卷第九

後山先生集卷第十

彭城陳師道履常著

茶陵陳仁子同甫編校

後學南陽王鴻儒懋學重校

後學彭城馬暉廷震繡梓

詩

次韻德麟督叔弼季默詩及破余酒戒

歲月不相貸夜牀衾筆秋朝來明鏡中作意多少留  
惟酒可為娛顧我非其流丈夫意氣合珮玦不循鈎  
意行無人非駿發不中休相逢問何如頗復中之不  
清坐豈不好致真豈糟丘兩歐以詩鳴與俗同沉浮

百鳥畏朝弄性和長鳴鷗相寧忍快便風飄萬斛舟

次韻蘇公謁告

靜中有業官成集醉裏無何老是鄉文寶向來無一  
物却須天女與拈香

竭澤回波不作難未應平地起風瀾是身非有從何  
病試下先生一着看

紙帳薰爐作小春狸奴白牯對忘言更無人問維摩  
詰始是東坡不二門

次韻蘇公獨酌

雲月酒下明風露衣上落是中有何好草草成獨酌  
使君顧謂客老子興不薄飲以全吾真醉則忘所樂

未解飲中趣中之如狂藥起舞屢跳跟罵坐失酬酢  
終然厭多事超然趨淡薄功名無前期山林有成約  
身將歲華晚意與天宇廓醒醉各有適短長聽鳧鶴

城南

白下官楊小弄黃騎臺南路綠無央含紅破白連連  
好度水吹香故故長嘯滑踏青穿馬耳轉危緣險出  
羊腸熟知南杜風流在預怯排門有斷章

次韻蘇公獨酌試藥玉滑盞

僊人棄餘糧玉色已可欺小試換骨方價重十水毫  
瀧以長白虹渺若江海瀾浮之端不惡舉者亦何辭  
但愧聞道晚早從鴈門師律部無明文可復時中之

汝陽佳少年三斗出六奇家有持杯手兩好當一施  
風吹酒面仄月度杯心遲百年容有命一笑更須時

次韻德麟植檜

種木待成材聊為十年事目中趨百里寧問萬牛費  
植檜三尺強已有凌雲氣生世能幾何擬作千歲計  
衆人笑拍手君子用其意蕭蕭孤竹君忘言理相契  
名以金石交椿楊豈奴婢緬懷萬仞顛千丈蔚蒼翠  
蟠根泉石底用意霜雪外寧須大厦才坐待斧斤至  
散為風雨聲密作牛馬蔽

送叔弼寄秦張

廬陵四公子吾及識其半叔也英達人平易亦稍悍  
於時吾始壯敗壁不塗墁孤身客東都轉食諸公館  
時來扣君門百過不留難傾心倒囊笈燕語徹昏旦  
磬折挽為親少得而多患相過汝頽上歲月不勝歎  
君才得公餘十日而十歲舌端懸日月筆下來江漢  
此行不尋常談者方一貫逸足寧小試寶刀當立斷  
用意不崎嶇欲得志挾彈日今平生親稍作春冰泮  
因聲督張秦書來不應緩

次韻德麟吳越山水

吳山那可說已覺心耳靜忍事如忍欲可過不可騁  
人生如此耳黃白滿朝鏡寧懷斗升粟不理東南艇  
君從湖上歸頗說寒事竟沙草柔動色溪喧魚不定

煩君冰玉句無作江湖興君詩如靜女妙絕人所敬  
不更風雨秋下有桃李徑試寫孤竹君名成三絕鄭

龍潭

清淵下無際落日回風瀾凜然毛髮直敢以笑語干  
陂陀百天臺葱翠萬木蟠驚颯振積葉清霜作朝寒  
水旱或有差精禱神其難魚龍同一波信有水府寬  
向來三日雨賴子一據鞍何以報嘉惠寒瓜薦金盤  
萬口待一飽歸卧神其安猶須雪三尺盛意莫得闌

贈魯直

相逢不用早論交宜晚歲平生易諸公斯人真可畏  
見之三伏中凜凜有寒意名下今有人宵中本無事

神物護詩書星斗見光氣惜無千人力負此萬乘器  
生前一尊酒撥棄獨何易我亦奉齋戒妻子以為累  
君如雙井茶衆口願其嘗願我如麥飯猶足填飢腸  
陳詩傳筆意願立弟子行何以報嘉惠江湖永相忘

放歌行二首

春風永巷閉娉婷長使青樓誤得名不惜捲簾通一  
顧怕君着眼未分明  
當年不嫁惜娉婷抹白施朱作後生說與旁人須早  
計隨宜梳洗莫傾城

次韻蘇公竹間亭小酌

自昔一作音有遺韻小飲不盡觴坐待竹間月柰此雲

影長起行林下路散策踰平岡破眼一枝春着意十  
葉黃暄寒會有分蜂蝶來無央鳥語帶餘寒竹風回  
妙香緬想兩公子此有缺字朝陽斯人班馬後如圭復  
如璋相逢子無得住處每難忘

次韻蘇公蠟梅

化人乃作花何年落子空三家羽衣霓袖澹香  
蠟從此人間識尤物青瓊諸郎却未知天公下取仙  
翁詩烏丸雞距寫玉葉却怪寒花未清絕北風驅雪  
度關山把燭看花夜不眠明朝詩成公亦去長使詩  
仙誦佳句湖山信義更負人已覺西湖屬此君坐想  
明年吳興越行酒賦詩聽擊鉢

秋後五日應物無詩豈年志俱壯未解傷秋耶  
以詩挑之

伏盡暑猶壯秋生涼故遲蟬吟接遠響螢燭度深枝  
歲半身仍健年侵意自悲情知寇公子不作感秋詞  
次韻楊內翰贈諸進士

一官歸老豈嘉賓喜見群材入選掄學變古今人得  
意化行梁楚俗還醇士蒙餘勇天同力詩度清秋物  
再新勉作功名收善頌徑從平地據通津

送李奉議亳州判官

謝公中年後畏與親友別數日懷抱惡每笑冠纓絕  
生有四方事死當一語決前笑今則悲吾衰擬何說

着鞭何必先倒筆不容掣鞭爾轅下駒萬里一改轍

其二

祁氏號外府藏室多異書因公有餘力一覽意何如  
為學雖日益受益不受誣正須高着眼濠梁有遊魚

其三

吾友孫子實愛學吾所畏持身如處子得句有餘味  
交驩艱難際凜然見名誼吾病卧里中車馬日一至  
遣醫饋梁肉憂喜見顏際慙慙勸加餐代我破戒罪  
一別已三秋君室乃其季輪困見眼中不作千里外  
因聲問何如胡不枉一字

其四

吾友張文潛君行乃其里當年釣遊處壯者或可指  
聞風起遐想意作千古士不知塵土中奴推婢不處  
宵中無一塵筆下有百紙勿問見自知來語君已喜  
與遊今已後行已勿停軌

寄晁說之

閱世真難記如君自不忘尚向一作於書太簡正以懶  
相妨與有還家樂終無却老方莫須憂潦倒未許細  
商量

再贈寇司戶

仕宦諸儒底名成一戰中酒為平日計詩費幾生功  
戲馬章臺下呼鷹上蔡東少年豪俠密杵曰得梁鴻



次韻寇司戶春懷

諱窮懷祿得辭勞腰折低頭不復高夢幻更堪追鳥  
迹去來何有拔牛毛依違玩世從君好叱咤生風蓋  
代豪聞說妙年心尚在忍看花絮受風飄

奉陪內翰二友醴泉避暑

疾雷倒海不成雨墨雲御日蟄不吐深院回廊晝日  
景一作長青簾朱幕風鈴語神仙中人龍作馬翠旌絳  
節從天下竹冠芒屨紫綺裘曳杖林間觀物化清池  
青蓮照眼自生涼脩竹回陰欲過廊樽酒未空高興  
動含毫欲下雲飛揚俗間道士業符籙未語已作庸  
人樣但知一扇博百金豈識雙松到千丈地頭小字

密着行四座歡叫醒而狂忽驚天姥到庭戶風篁露  
草鳴寒螢回天却日有餘力小試席間留翰墨請公  
慎用補天手入佐右皇和五石

戲元弼

濁涇清渭不同源世好因循到子孫只待白頭能潦  
倒不虞青眼已瀾翻

山頭落日着窓明花裏來禽起笑聲豈有詩成湏白  
傳獨於酒可置公榮

翩翩別去七經年時特歸來兩浩然東道有時推謝  
令後堂無地着彭宣

車馳卒奔風雨過白髮故人餘一箇幸是元無左阿

君何須不着陳驚坐

陳詢秀才歸徐

千里相從愧子心未堪歸路馬駸駸更能作意憐衰  
病肯復一作重來道古今三歲有期看一舉百年聊  
待到千尋行逢淨社論餘習為說登臨久廢吟

登彭祖樓

城上危樓江上城風流千載擅佳名水兼汴泗浮天  
闊山入青齊煥眼明喬木下泉餘故國黃鸝白鳥解  
人情須知壯士多秋思不露文章世已驚

送王生兼寄西堂圖澄禪師

未仕寧論馬少游虛名非復韓湖州祖師若問西來

信為說蒼頭與白頭

鉅野泊觸事

蒲港牽絲直平湖墜鏡清順流風借便捷路雪初晴  
鳥度欲何向鷗來只自驚有行須快意安得易為情

東阿

慟哭東阿縣傷心莫與論却思當痛日敢望此身存  
舉目人將母回頭影弔魂更堪悲手足孤稚滿船門

甲亭

峻壁亭臨水橫陂樹徹山兩河惟甲氏數栢共蒼顏  
隨意遊成適回舟月與還早知乘下澤不再結青綸

關音

遊鶴山院

積石橫成嶺行揚密映門人聲隱林杪僧舍透雲根  
頰攝塵緣盡方知象教尊只應羊叔子名字與山存  
南豐先生出守  
日常遊是院

登鶴山

小試登山脚今年不用扶微微交濟灤歷歷數青徐  
朴俗猶虞力安流尚禹謨終年聊一快吾病失醫盧

鶴山因扁  
而名

寄子開

致君意氣日方中許國精誠月貫虹一代英豪出門  
第當時毀譽豈窮通風流身致義皇上日夜心隨汲  
洛東從使少年輕我輩只留顏面對吾公

後山先生集卷第十一

彭城陳師道履常著

茶陵陳仁子同甫編校

後學南陽王鴻儒懋學重校

後學彭城馬暉廷震繡梓

詩

寄徐吉父學士

卧龍山上摘黃花曾共西風醉帽斜當日已應天下  
樂無人傳入畫圖誇低頭強笑今何似多病難堪懶  
自嗟聞道承明方厭直幾時來伴訪山家

和南豐先生西遊之作

孤雲秀壁共崔嵬倚壁看雲足懶回睡眠綠寒綠  
洗醉頭強為好峯搗山僧煮茗留寬坐寺板題名卜  
再來有愧野人能自在塵樊束縛久低徊

和南豐先生出山之作

側徑籃舁两眼明出山猶帶骨毛清白雲笑我還多  
事流水隨人合有情不及鳥飛渾自在羨他僧住便  
平生未能與世全無意起為蒼生試一鳴

和張次道再遊翠巖之作

去歲尋山有舊題重來似與故人期回巒俯仰如迎  
客流水喧鳴擬索詩嶺路依危通鳥過吾身赴健白  
雲隨自憐久快屠門嚼欲住安能久茹芝

初到錦城

溪遶層巒路遶溪飛梁相接挂晴霓山川王氣今何  
有巖谷靈蹤昔未躋十里松篁參羽仗半天樓閣倚  
雲梯勝遊欲盡無窮目未到桃源客已迷

何復教授以事待理

負俗寧能累哲人昔賢由此致功名驥收鹽坂車前  
足琴得焦桐爨下聲三獻荆山時未識一鳴齊鳥衆  
方驚傳聞下詔搜遺逸勸講方思用老成

和富中容朝散值雨感懷

節物驚心懶復嗟樽中酒盡復誰賒風撩兩脚俄成  
陣雪閣雲頭欲結花萬里可堪長作客一年將盡未

還家自憐落落終難合白首詩書謾五車

謝贇閣梨見訪

好在談經老上人衝風踏雪到江濱百篇出篋自新  
得一鉢隨身依舊貧終歲杜門逃俗士為師設榻對  
脩筠蒲團藜杖焚香坐此意此時無點塵

和蒲左丞有美堂座上觀雪

高牙大纛曉登山卷帳飛觴不避寒十二玉樓橫閣  
道三千鐵甲壯師干封脩已驗遺蝗化平隴寧虞宿  
麥乾預喜豐年惟太守旋追賓從促杯盤

其二

破曉初驚失舊山瑤臺化出坐中寒江心凍合愁蛟  
蜃匣裏氷生吼莫干門閉洛陽人迹絕指穿東郭履  
痕乾鳳池不比梁園客咳唾珠璣落玉盤

和秦太虛湖上野步

曉風踈日乍相親黯黯輕寒拂拂春觸目漸隨紅蓋  
亂經年不見綠條新寧論白黑人間世懶復鳴黃紙  
上塵十里松陰窮野步暫時留得自由身

和沈世卿推官見寄

倦看世態久低徊且置窮通近酒杯未忍一身閑處  
着暫容雙眼醉時開為呼阿武扶頭起擬與山公倒  
載回好在東籬舊時菊無心準擬白衣來

和劉元樂月夜寄賈耘老

胡牀欲上庾公樓那復周南歎滯留皓魄光連鮫室  
午踈星冷浸洞庭秋錦袍有興思姑孰桃楫無心問  
莫愁喚取長江來入社不勞牛渚問行舟

酬呂明父學士

當日功名指顧收一言悟主遇千秋去登霄漢如平  
地歸到雲山尚黑頭解組行叅蓮社客揮金坐揖醉  
鄉侯謝公不為蒼生起擁鼻重來可自由

送傅子正宣義

漸漸烏竿五雨輕一帆秋色下江濱請纓北闕非無  
意捧檄南州且為親神驥解韁天上足風鵬搖翮日  
邊身歸途眯眼塵沙惡夢想西湖十里春

和元樂銷暑樓曉望

逸郭溪山接四鄰身輕步躡一梯雲圖南羽翮搏空  
見倚北光芒入夜分蕪沒池臺餘故事風流人物想  
前聞翛然便欲思招隱猿鶴還應怨舊群

和寄朱文中

仰高當日誦成規想見風流盛一時魯國故知臧有  
後孔庭早見鯉能詩侵尋末路同傾蓋邂逅清談為  
解頤願借湖山容膝地為令松菊寄吾衰

和王明之見寄

末路相逢首重回紫芝眉宇向人開老來惟有風情  
在事去空憐歲月催憔悴不堪臨楚澤棲遲無路上

燕臺少陵肺病踈杯筆想負花前載酒來

和酬施和叟宣德

山陰傾蓋兩綢繆十載重來鬢已秋往事侵尋如昨日故人牢落半滄洲流離道路生涯拙蕪沒田園歲計休久要尚憐君子在為言雞黍亦遲留

呂使君生日

司漏凌晨報曉籤瞳瞳赫日上重簷良辰已應純乾策吉夢先符大小占棣萼同時升紫禁棠陰由此駐彤襜一杯欲助邦人禱願借黃堂壽筆添

送澤之過維揚

夢裏揚州十載間青樓陳迹故依然袍爭爛錦催詩

筆雨濺明珠落酒船顧我老無騎鶴興羨君行及看花天囊中繡句歸應喘不負常郎五色牋

和和叟第課還自都下

青雲直上馬如龍來往冷然若御風高步只應天咫尺舊遊寧寄浙西東升沉道路後今異邂逅比鄰此日同相見可堪懷抱冷需君健語破樊籠

和和叟梅花

百卉前頭第一芳低臨粉水浸寒光

漢房陵有粉水

卷簾初

認雲猶凍透鼻渾疑雪亦香鼎實自應終有待天真不假更勻粧江南望斷無來使且伴詩翁入醉鄉

再到錢塘呈會宗伯益



負笈重來感舊遊  
流年衰鬢兩經秋  
湖山依舊渾相識  
風月愁人不自由  
尚有故交重冷榻  
可堪歸夢到滄洲  
誰憐壯志空凋落  
百鍊今為遠指柔

簡楊安國

侯門誰預識馮驩  
歲晚寧知范叔寒  
傾蓋尚憐吾道在  
立談相信古人難  
開懷磊落無城府  
握手侵尋出肺肝  
共許異時終此去  
滿冠塵土待君彈

簡李伯益

藿鹽度歲每無餘  
垂橐東歸口未餬  
貧裏交遊新斷絕  
老來光景半消除  
時情視我門前雀  
人好看君屋上烏  
尚喜弊廬連蔣徑  
願求佳句遍髯奴

九日無酒書呈漕使韓伯脩大夫

老大悲傷節物催  
酒腸枯涸壯心灰  
慙無白水真人分  
難置青州從事來  
倦筆懶從都市出  
醉眸剛為麴車回  
黃花也似相欺得  
坐對空樽不肯開

過杭留別曹無逸朝奉

陳蕃解榻為留連  
俯仰徒驚歲月遷  
故意斯人柰風雨  
多情於我獨山川  
可憐顏貌非前日  
依舊窮愁似去年  
後夜相思隔煙水  
夢魂空寄過江船

五言賀雨

六月鄞江旱焦勞  
刺史憂戴星趨洞府  
踏月叩龍湫  
引袂青章設為壇  
古法脩山川  
將爾徧牲幣  
豈吾留

帝意茲回春神聰俯應求  
油雲潛感召靈雨忽滂流  
急勢朝翻幕寒聲莫咽溝  
餘波平浦嶼翠色蔽田疇  
池閣消殘暑閭閻慶有秋  
邦民無以謝惟起載途謳

別威德寺

三宿城隈寺輕齋類老禪  
暫來真偶爾適去更脩然  
笑別留春塢行尋下瀨船  
此身猶斷梗飄泊且隨緣

雜題

春水漲湖田先尋滄瀆船  
隔江爭問主人市不論錢  
味得尊尤滑香因鼓更便  
他年棟花落追憶漫流涎

和董判官寺居作

共作東州客同棲古寺深  
論交非有舊不見解相尋

冷過清明節悲生故國心  
此身隨所寄未足問升沉

贈白閣黎

餅錫倦西東歸來一榻空  
宗乘能自判文學更兼通  
講徹夜堂月定回枯樹風  
無從叅淨社回首倦飛蓬  
舒御史太夫人挽詞

回合將山秀佳城去域中  
珮環無曉日蘋藻自春風  
斷髮人何在捐金事已空  
遂移男子孝更作直臣忠  
和賈明叔秋晚見懷

陋巷少行迹故人車馬稀  
世情方汨沒吾道肯依違  
萬葉迎風脫孤雲帶月歸  
獨憐高義在猶肯問柴扉  
望夫石

積戍人何在秋霜志不移無言息媯然有淚舜娥悲  
山靜雲盤髻江空月印眉誰將望遠意歌作送征詩

夏杪

一室青蕪長終朝靜不譁聖賢開美酒子母破新瓜  
綠篠初翻箨紅蕖稍薦花咄嗟功業晚覽照鬢初華

虞美人草

幽草默通神舊題虞美人長言方度曲應節若翻身  
律呂聲相應雲龍氣自親無情猶感會不獨在君臣  
沈道院有水墨壁畫奇筆也惜其窮年無買之  
者賈明叔請余同賦

壁間水墨畫為爾拂塵埃草樹精神出溪山氣勢回

路從沙嘴斷人自渡頭來莫怪知音少牙絃匣不開

同蘇不疑避暑法寺

酷暑不可處相將尋書涼清談廢廣廈甘寢就方牀  
蓮剝明珠滑瓜浮紺玉香因知北牕卧自信出羲皇  
和彥詹題遠軒

開牕得遠意興出杳冥間芳草日邊路片雲天外山  
好花和露斲脩竹夾藤剛每許南鄰伴時來一寄顏  
讀白樂天臨水坐詩

西方社裏收身早白髮人中得計長不作北門東掖  
客更無閑事可思量

寄君王

不見紫霄翁侵尋鬢色蓬倦遊鄉域異歸夢夙宵同  
愛酒曾應甚吟詩老更工清時公道在未足歎途窮  
簡令由司理  
居連里巷室連甍多謝能容鑿壁生幸有餘光子何  
損豈無鄰好我先傾已知涉世遠遠夢但欲求田  
卮  
卮耕貧病久甘從棄置寧堪更累汝南評

後山先生集卷第十一

後山先生集卷第十二

彭城陳師道履常著

茶陵陳仁子同甫編校

後學南陽王鴻儒懋學重校  
後學彭城馬瞰廷震繡梓

詩

鷲鵲詩并序

此卷係得於魯氏傳本及南宮氏編中也本所無者

辛巳夏四月庚戌日將晏與客追涼露坐有雀引  
雛二三集垣下行且哺俄有鵲至自北俛啄雀間  
初循循少焉得雀遽攫一雛而升于垣出雀不意  
雀悲鳴啾啾奮身抵鵲再三欲奪鵲竟磔雛以食

不顧如得計然坐客歎息余感之賦詩  
若奚不鷁吾知避而遷汝胡不狸吾知遠而馳宵迺  
吾巢晨並吾枝懷毒姪凶初不汝期莽恭拳拳甫笑  
嬉嬉情貌深厚孰從而追

大風 梁山泊

積陰風易作隆寒一作風聲益急百為定有數一動必  
三日犇隕水勢壯掣扶波頭立前行後浪者一作從突  
起旁交射崩騰萬騎來倏忽一箭扶摧殘蒲葦盡斃  
蕩魚龍泣私憂地軸脫已分梁山沒向來萬斛重不  
作一葉直舟行兩水間觸突聲悉率路轉帆舉落舟  
排冰壘積經事長一智中人所知識千金不垂堂豈

復待一失窮途得備觀老氣猶少色一作色事定不敢  
一作未得忘嗟來庶一作安可及

送張秀才兼簡德麟

長安千門憎熱客我獨憐君來解熱呼兒具飯懶出  
口藜羹不糝甘一啜北州別駕玉刻麟素書往見良  
可人驛使別來無一字知有此情誰與親

張謀父乞花

二頃田園汴泗東春來一一作翻心事幾人同固知短綆  
無深汲又見新花發舊叢光氣著人渾欲醉妍華過  
眼旋成空冷官門外一作戶無消息與報江南春信通  
次韻游花洞

遠洞容徐步繁英故壓枝錦衾堆襍積春事向離披  
作意真成誤尋芳似較遲預為來歲約及早共瑤卮

夜坐有懷

秋懷

瑣瑣重門閉蕭蕭一再更

集一作蕭蕭一耳更短

繁昏細

字高枕笑忘

一作

平生來鴈防身早

身一作健

秋陽換眼

明已須甘酒力不用占時名

舊一作心肯向人傾

送張芝卿

相逢已偶爾告別更蒼然離合驚時換行藏乃世緣  
君無學干祿我亦賦歸田泗水秋山外長安夕照邊  
行次舊縣寄立之

歲晚方奔命春期作過賓逢君為地主顧我拙謀身

官是三年客情緣一日親將身隨斗食應作未歸人

次韻黃無悔惜梅

雪擁寒門鵲不來江南春信小遲回遙知詩力

一作律

生春早一抔江梅趁眼開

酒戶獻花以奉先聖戲作

蕭蕭竹兩亂鳴鴉嫋嫋風窓暗碧紗玉座塵埃香火  
冷酒家來獻一枝花

謝田氏

登門執別有不吝慚愧公家父子孫顧我何堪能至  
此正緣同德又同門

寄子閔

煙昏曉寒風發屋行者抽蓬離者哭青衫白髮兩相  
鮮積雪朝陽眩雙日猛虎食子有分羨潔鷺割股謀  
補肉妻孥不用哭窮途前府故人風義篤

其二

道山清絕况真仙杜曲風流最近天曹濮于今真樂  
國股肱後昔著時賢今回不辨終朝語此去無端又  
疾痊可念卧如遭未劫親陳埋沒不知年

贈黃氏子小德

黃童三尺世無雙筆頭衮衮懸秋江不憂老子難為  
父平生崛強今心降我來喜共阿戎語應敵縱橫如  
急雨生子還如孫仲謀豚犬漫多何足數黃家小兒  
名小德眉如長林目如漆只今數歲已動人老人留  
眼看他日笑君老蚌生明珠自笑此物吾家無君當  
置酒吾嘗賀有兒傳業更何須

送晁奉議高郵判官

公族仍前輩都城早與遊士窮湏祿食才大豈身謀  
雪嶺無歸鳥冰河有去舟平生湖海意不為有魚留

南臺

城郭收燈興未休却回春信到臺頭東風未借登臨  
便柳色遙看特地愁

馬上口占呈立之

廉纖小雨濕黃昏十里塵泥不受辛轉就鄰家借油

蓋始知公是最閑人

後山先生集卷第十二



